



06. Novmeber 2020

UKA2020/114

### **Inatsisartut aalajangiiffigisassaatur siunnersuutigineqarpoq Naalakkersuisut amerikkarmiut aallartitaqarfiat qinnuvisassagaat ikioqqulluta kalaallit timaasa panernikut Harvardip Universitiani-ittut Peabody Katersugaasiviani Nunatsinnut uterteqqissallugit.**

(Inatsisartunut ilaasortaq Doris J. Jensen, Siumut)

Uummannap eqqaani timit paniinnarnikut ilumut nassaarineqarmata nunarsuaq tamakkerlugu, itsarnisarsiuut silarsuaanni pingaartumik, nutaarsiassaavoq angisooq. Siornatigut ilisimasimanngisavut amerlaqisut akissutissarsineqarsinnaalerput, pissutigalugu ukiuni 500-nit ikinnerunngitsunik pi-soqaassuseqarnerat pillugu. Suut nappaatit atorsimaneqarpat, atisaloriaaseq ilusilersueriaaserlu qanoq ittuusimava, kakiornert isumaat, atortut, isikkoq aammalu peqqissuseq qanoq ittuusimaner-inut allaat suussusersineqarsinnaalmata. Naggueqatigiisugut Inuit oqaluttuarisaanitsinni ta-kussutissat tigussaasut pisoqaanersaat.

Siunnersuuteqartup pisai tassaapput Qerrortuuniit ilorrit qangattameersut Marthin Luther-ip 1934-mi nassaarisimasai Peabody Katersugaasivianiittut. Siunnersuuteqartup allappaa tunngavil-ersuuteqarnermini eqqunngitsuliorneq tunngavigalugu anninneqarsimasut, kisiannili erseqqissaas-utigineqarluni Danmark-imit akuerineqarluni paaasannaasut annissisinnaasorlu. Taamani oqartussaaffik aaliangiisinnaaffillu tamarmiusoq Danmark-imiippoq, kalaallilu apereqqaanngikkalu-arlugit akuersineq pisarluni.

Nunatta Katersugaasivia allagaateqarfialu ullumikkut nunarsuarmi assigiinngitsuni nunat tamalaat katersugaasivissuunik suleqateqarpoq, toqqaannartumillu isumaqatigiissuteqareersinnaallutik. Suliat nunatsinneersut innuttaasunillu utertinneqarumallutik kissaatigineqarpata piginnittuiit Naal-agaaffiit Peqatigiit pigisanit tigussaasunik tigussaannngitsunillu kulturimut attuumassuteqartut nalunaarutikkut illersugaanerat aallaaviuvoq (United Nations' Indigenous Property Rights).

Naalakkersuisut akissuteqarnerminni eqqortumik oqarput, tassalu amerikkarmiut aallartitaqarfia-tigut qinnuiginngikkaluarlugu saaffiginngikkaluarluguluunniit Nunatta Katersugaasiviata nammi-neerluni suliasamik ingerlatsisinnaavoq. Paasivara suliakkiutigisimasaq nutaajunngitsoq siorna-tigullu qaqqineqareersimasoq, ilisimaneqartorlu.

Nammineerlunga isumaqataaneq ajorpunga ilerriit imaariarlugit katersugaasivinniitneqartarnerat. Iliveq qanorluunniit pisoqaatigigaluarpat ataqqisassaavoq eqqissimatitassaallunilu. Inuit eqqissiv-issatut kingullertut toqqarsimasaat ataqqilluinnagassaavoq.

# Nunatta Qitornai

## Inatsisartuni



Ilisimatuussutsikkut misissuiffigineqarlutik aammalu paasissutissanik katersivigineqarnerat ajoriffis-saqartingilara inuiassuartut iluaquserneqarlutalu qaammaasaqarnerulernissatsinnut aqutissiuus-sippat, kisiannili tamanna suliaq piareernerani isumaqarpunga ilerranut ataqqinartumik uterteqqin-neqartariaqartut aammalu taama peerneqarallarsimanerata kingunerisaanik minnerpaamik qujas-sutitut immikkut sinaakkuserneqarluni ataqqinartumik isikkoqartillugu ilineqaqqittariaqartut.

Siunnersuuteqartup oqaatiginngilaa uterteqqinneqarnissaanut suna siunertarpiaanersut. Ilisimaga-ara nunatsinnut angerlartinneqarnissaat siunertaralugu siunnersuuteqartoq, kisianni qanoq pineqarnissat suneqarnissaallu taanagu.

Isumaga naapertorlugu utertinneqassappata ilerranut Qerrortuuni ilorrit qangattaanut ilineqaqqit-tariaqartut isumaqarpunga. Ataqqinartumik immikkut iliuuseqarfigineqarlutik qujassuteqarfiginear-lutillu pineqassasut isumaqarpunga.

Sumut iluaqutaassuara katersugaasivissuarmi saqqummersinneqariarlutik utertinneqarnermini aamma saqqummersillugit? Inuit timaasa paniinnarnikut katersugaasivissuarmiititsisunit allaane-runata pissusilersornissaq uanga isumaqataaffiginngilara.

Naalackersuisut taperserpakka periusissiamik ingerlatsisoqassasoq ilanngulluguli apeqqutigi-umavara utertinniarneqarnerini suna siunertarineqalersaarnersoq periusissiami ilanngullugu erseqqissarneqassasoq.

Taamatut oqaaseqarfigaara siunnersuut.